

Sufficientia hujus dichotomiae inde probatur, quod omnis dissertatio fiat, vel sine discursu, vel cum discursu.

Noeticum est quod sine discursu ad benè disserendum adhibetur.

Estque vel terminus, vel axioma.

Antequam progrediamur ad specialiora, hīc ὡς τὸν τύπον numerum & ordinem instrumentorum Logicorum adeoq; partium Logices designabimus. In tertio de animā tradit Philosophus, scientias secari, quemadmodum & res, de quibus illæ tractant. Cūm igitur Logica tradat ratiocinandi instrumenta, seu notiones secundas ad ratiocinium confe-

**Logicæ distributione** rentes, non dicam æquum, sed æquissimum fuerit, eam ita secari, sicut res subjectæ, quæ sunt ratiocinandi instrumenta, secantur. Principiò igitur non Logica dividenda, sed instrumenta, quæ illa nobis præbet; deinde ipsa Logica: qui ordo est accuratissimus, aut certè accuratissimo proximus. Hīc utimur quibusdam vocabulis in Scholâ Latinitatis non usquequaq; usitatis: sed confidimus, philosophos cor- datos res potius quam verba spectatores, id quod si hodie quidam malè feriati attenderent, non tot ineptæ in Republ. literatâ essent logomachiæ, quæ sunt in causâ, quo minus possimus unam ædificare Trojam, ut est in proverbio. Nam quivis fermè sibi struit castellum, quod facile potest expugnari, vel uno adhibitō ariete. Sed jam sequitur synopsis nostra:

SYNO-